

Reglament per la cumissiun da sanidad

sa basond sin l'art. 27 da la constituziun chantunala ¹⁾

relaschè da la regenza ils 12 da fanadur 1994

Art. 1

Las indicaziuns davart las personas, davart las funcziuns e davart las professiuns en quest reglament sa refereschan a domaduas schlattainas, uschenavant ch'i na resulta nagut auter or dal senn da quest reglament.

Egualitad da las schlattainas

Art. 2

¹ ²⁾ La cumissiun da sanidad sa cumpona da tschintg commembers. Il schef dal departament da giustia, segirezza e sanadad è d'uffizi president da la cumissiun. Ils ulteriurs quatter commembers vegnan elegids da la regenza per quatter onns ed èn reelegibels. Ils differents secturs spezials dals fatgs da la sanadad ston sche pussaivel vegnir resguardads.

Elecziun, cumposiziun

² Sch'il schef dal departament è absent, maina il commember da la cumissiun ch'è il pli ditg en uffizi e ch'è preschent il presidi.

Art. 3

¹ Il medi chantunal, l'apotecher chantunal ed il manader da l'uffizi da sanadad sa participeschan cun vusch consultativa a las sesidas.

Consultaziun da spezialists

² Ulteriurs experts pon – en cas da basegn – vegnir consultads ed incumbensads cun incaricas spezialas.

Art. 4

¹ La cumissiun da sanidad sa raduna sin invitaziun dal president u sche dus commembers pretendan ina sesida cun inditgar las tractandas.

Sesidas, actuariat

² L'invitaziun succeda almain diesch dis avant la sesida. Davart las singulas tractandas ston, uschenavant che quai è inditgà, vegnir consegnadas ina curta preschentaziun dals fatgs, ina discussiun da la problematica sco er ina dumonda. Inoltraziuns impurtantas, rapports impurtants e.u.v. ch'èn l'object d'ina tractanda, ston vegnir agiuntads. Actas voluminusas pon vegnir exponidas per ch'ils commembers da la cumissiun possian prender invista.

¹⁾ DG 110.100

²⁾ versiun tenor l'aggiunta 2 da la OORA; CUL 2006, FUC 4290; entrà en vigur il 1. da schaner 2007

³ Fatschentas d'ina impurtanza subordinada sco er fatschentas urgentas pon vegnir tractadas sin via circulara.

⁴ Il secretariat dal departament vegn incumbensà da scriver il protocol e da manar l'actuariat.

Art. 5

Incumbensas

¹ La cumissiun da sanidad ha principalmain las suandantas incumbensas:

- a) ¹⁾ ella cussegia il departament en tut las dumondas impurtantas dal sector da la sanadad;
- b) ella giuditgescha relaschs legislativs impurtants;
- c) ella sutametta propostas per l'elecziun dal medi chantunal, da l'apotecher chantunal, dals medis districtuals e da lur substituts;
- d) ella examinescha las dumondas dals ospitals per subvenziunar edifizis ed indrizs e prenda posiziun davart quellas dumondas;
- e) ella examinescha las dumondas dals ospitals per permetter novas plazzas per schefmedis e per medis directurs;
- f) ella sa participescha a l'elavuraziun ed a l'adattaziun da las incaricas da prestaziun dals ospitals acuts publics;
- g) ella giuditgescha l'activitad dals ospitals concernent l'observaziun da las incaricas da prestaziun, concernent las mancanzas dal provediment, concernent ils provediments memia gronds e concernent duplicitads e propona – sa basond sin sias examinaziuns – las mesiras necessarias;
- h) ²⁾ ella propona al departament – giuditgond las consequenzas dal svilup medicinal general – las mesiras necessarias.

² ³⁾ Il schef dal departament po incumbensar la cumissiuns u singuls commembers cun incaricas spezialas.

³ Mintga commember da la cumissiun da sanidad po pretender ch'ina fatschenta vegnia tractada.

Art. 6

Abilitad da decider, recusaziun

¹ La cumissiun da sanidad è abla da decider, sche almain trais commembers èn preschents. Mintga commember è obligà da prender part a las sesidas ed a las votaziuns, sch'el n'è betg impedi pervia da malsogna, assenza u pervia d'auters motivs impurtants e sch'el na sto betg prender recusaziun.

¹⁾ versiun tenor l'aggiunta 2 da la OORA; CUL 2006, FUC 4291; entrà en v igr il 1. da schaner 2007

²⁾ versiun tenor l'aggiunta 2 da la OORA; CUL 2006, FUC 4291; entrà en vigor il 1. da schaner 2007

³⁾ versiun tenor l'aggiunta 2 da la OORA; CUL 2006, FUC 4291; entrà en vigor il 1. da schaner 2007

² In commember sto prender recusaziun, sch'el ha pervia da sia activitad professiunala u pervia da sia posiziun in interess direct vi d'ina fatschenta. Davart dumondas da recusaziun decida la cumissiun cun exclusiun da las persunas pertutgadas.

Art. 7

Dal rest valan las disposiziuns da l'ordinaziun davart ils collavurats en uffizi accessoric dal chantun Grischun. Ulteriuras disposiziuns

Art. 8

Cun l'entrada en vigur da quest reglament vegn aboli il reglament per la cumissiun da sanidad dals 7 da mars 1988¹⁾. Aboliziun da relaschs

Art. 9

Quest reglament entra en vigur il 1. da settember 1994. Entrada en vigur

¹⁾ CUL 1988, 1983